

# LAERSKOOL LOCHNERHOF

Sarel Cilliersstraat, Strand / Posbus 124, Strand

Tel: 021-854 7316 / Faks: 021-853 4711

E-pos: admin@lochnerhof.co.za

Webtuiste: www.lochnerhof.co.za

SMS: LH (gevolg deur boodskap) na 34050



## NUUSBRIEF 28 VAN 2012

### UIT DIE HOOF SE PEN

#### ONS DROOM GROOT MET AKSIE!

##### **Leef jy jou roeping?**

Pleks dat ons vra "hoeveel geld kan ek maak", moet ons vra "waar kan ek dien?". Gee jou werk in God se hande oor. Hy sal dit in iets buitengewoons omskep. Ons moet Hom toelaat om ons lewe te gebruik om die wêreld te verander, mense na Hom toe aan te trek en in desperate situasies hoop te bring. So 'n roeping sorg vir opwinding, betrokkenheid en motivering wat geen geld jou kan gee nie."

Bron: Leef-tydskrif

## DAGBOEK / SPORT

<b>DINSDAG, 18 SEPTEMBER</b>	
<b>DINSDAG, 18 TOT 21 SEPTEMBER</b>	<ul style="list-style-type: none"><li>• BRING JOU HERWINNING SKOOL TOE (by De Vosstraat en Sarel Cilliersstraat se hekke. U ontvang weer 'n herwinningsak)</li><li>• SKRYF NASIONALE ASSESSERINGS</li></ul>
<b>WOENSDAG, 19 SEPTEMBER</b>	PREPRIMÈR KONSERT
<b>DONDERDAG, 20 SEPTEMBER</b>	<ul style="list-style-type: none"><li>• McDONALDS FONDSINSAMELING</li><li>• PREPRIMÈR KONSERT</li></ul>
<b>SATERDAG, 22 SEPTEMBER</b>	NASIONALE RENOSTERDAG
<b>MAANDAG, 24 SEPTEMBER</b>	PUBLIEKE VAKANSIEDAG (ERFENISDAG)
<b>DINSDAG, 25 SEPTEMBER</b>	<ul style="list-style-type: none"><li>• BRING JOU HERWINNING SKOOL TOE</li><li>• BEHEERLIGGAAMTUSSENVERKIESING</li></ul>
<b>WOENSDAG, 26 SEPTEMBER</b>	GR.1-3 REDENAARSAAND
<b>DONDERDAG, 27 SEPTEMBER</b>	<ul style="list-style-type: none"><li>• GHOLFDAG</li><li>• RAPPORTE UITDEEL</li></ul>
<b>VRYDAG, 28 SEPTEMBER</b>	<ul style="list-style-type: none"><li>• DENIM-EN-TEKKIEDAG</li><li>• KONSEPBEGROTING BESKIKBAAR</li><li>• SKOOL SLUIT OM 10:00</li></ul>
<b>DONDERDAG, 4 OKTOBER</b>	KLERE BANK OOP VAN 17:00 - 18:00
<b>MAANDAG, 8 OKTOBER</b>	SKOOL OPEN OM 07:30

## GRONDSLAGFASE

Dis ongelooflik hoe tyd vlieg. Die einde van die jaar is in sig en is besig om 'n spoed te hardloop. Tyd is altyd 'n faktor en as ons ons kinders se glimlagte, hul sêgoed en gewoontes nou mis, is dit iets van die verlede.

Iemand het hierdie week gesê: As jy môre opstaan en net dit ontvang waaroor jy die vorige dag vir God dankie gesê het, hoeveel dink jy sal jy ontvang? Wat 'n skrikwekkende gedagte. Ons sal moet tyd maak om dankie te sê.

Die week begin ons met die Nasionale Assesserings. Ons wens ons kinders en onderwysers sterkte toe en weet dat hulle hard gewerk het om sukses te waarborg.

Mag u 'n rustige vakansiewek hê sonder enige huiswerk en met baie liefde van u kind.

*Ware woorde: Tyd is een van die heel kosbaarste gawes waaroer almal van ons beskik.*

*'n Mens kan 'n gawe verkwis of voluit gebruik. - Johan Smit -*

***Etiket: Speel versigtig op die skoolterrein.***

## Lochie-van-die-Week: Gr.1-3

**GR.1A KYLEN KOCH**

**GR.1B EWALD TER HAAR**

**GR.1C NATHAN VAN BREDA**

**GR.1D DUNCAN GRIFFITHS**

**GR.1E SUNé SCHRADE**

**GR.2A LARISSA DU PLESSIS**

**GR.2B JEAN-PIERRE LOUW**

**GR.2C THABISO MAKHETHA**

**GR.2D SHAN-LEE CILLIERS**

**GR.3A TIANA SNYMAN**

**GR.3B HERMAN RAS**

**GR.3C IAN TER HAAR**

**GR.3D ABIGAIL SCHOLTZ**


## INTERMEDIËRE EN SENIOR FASE

Gehard, goed en globaal, die drie beginsels waarvolgens ons moet leef om in die toekoms suksesvol te wees, volgens 'n onlangse publikasie deur dr. Paul G. Stoltz en James Reed. Volgens hierdie beginsel beteken dit jy kort deursettingsvermoë, 'n hunkering om ander te help en 'n bewustheid hoe jy in die groter prentjie inpas. Dis nie soseer wat jy weet wat tel nie, maar hoe jy dink. Hoe kan ons dit op ons kinders toepas? Deur die volgende aan te moedig:

**Gehard:** Al voel ek nie vandag lekker nie, byt ek vas en gaan tog skool toe. As ek ingeskryf het vir die koor of eisteddfod of enige ander aktiwiteit, los ek dit nie in die middel van die seisoen nie, maar druk deur ten spyte van 'n oorvol program. As ek sukkel met 'n Wiskunde-probleem, gee ek nie moed op of blameer ander daarvoor nie, ek sukkel en sukkel tot ek by 'n moontlike antwoord uitkom, al is die antwoord verkeerd. Deursettingsvermoë en vasbyt is wat maak dat ek bo uitkom in die lewe.

**Goed:** Ek leer my kind om die beste in mense raak te sien en ek verwag ook net sy beste van hom of haar. Ons handel nie 'n taak af net om die klaar te kry nie, ons lewer ons bes met elke opdrag, hoe groot of klein dit is. Ons sien maats en personeel se goeie eienskappe raak en beklemtoon dit in plaas daarvan om oor die negatiewe eienskappe te murmur. Ons fokus daarop om altyd die regte ding te doen in enige situasie, selfs al kyk niemand nie.

**Globaal:** Dit word al hoe belangriker om die groter prentjie te sien en nie net op die taak voor jou te fokus nie. Ons kibbel nie oor een of twee punte in 'n vraestel nie, ons sien die opvoedingsproses raak. Al voel my kind dalk hy is onregverdig behandel in 'n gegewe situasie, kyk ons watter lewenslesse hy daaruit kan leer. Ons fokus nie net op een vak nie, maar beskou elke faset van sy skoolloopbaan as belangrik.



## **SKOOLBEHEERLIGGAAM TUSSENVERKIESING 2012**

Die tussenverkiesing van die beheerliggaam vind op **25 September 2012 om 18:30** in die skoolsaal plaas.

Stemgeregtigdes kan nominasievorms voor die aanvang van die nominasie-vergadering voltooi en inhandig. Die nominasievorms is beskikbaar vanaf **Maandag, 17 September tot 13:00 Vrydag, 21 September** by die skoolhoof.

## **GHOLFDAG - 27 SEPTEMBER 2012**

Ons hou 'n gholfdag op Donderdag, 27 September by Strand Gholfbaan. Almal is welkom om die dag saam met Lochnerhof te kom geniet. Die inskrywingsvorms is beskikbaar by me. Gerda de Bruyn. Kontak haar gerus rakende 4-bal, prys, borge of donasies. Me. de Bruyn se e-pos is [gdebruyn@lochnerhof.co.za](mailto:gdebruyn@lochnerhof.co.za) of kontaknommer 021-8547316.



## **AFHAAL VAN RAPPORE GR.1-7**

Ouers kan rapporte kom afhaal **in die skoolsaal op Donderdag, 27 September vanaf 17:30 tot 18:30.**



## **BEGROTING 2013**

Neem asb. kennis van die Begrottingsvergadering (2013) wat op Dinsdag, 16 Oktober om 19:00 in die aktiwiteitsentrum gehou sal word. Die finansies van die skool vir 2013 sal hier bespreek word en die skoolgeld vir 2013 vasgestel word. Alle ouers word uitgenooi om dit by te woon. Maak asb. 'n aantekening in u dagboek. Die **konsepbegroting sal vanaf 28 September** by me. Dreyer (finansiële beampte) beskikbaar wees ter insae.

## **BLIKKIESDAG**

Dit is weer tyd vir Lochnerhof om te begin blikkies insamel vir die jaarlike **Collect-a-can-kompetisie**. Aan die einde van die kwartaal sal ons weer 'n kreatiewe produk skep van al die blikkies wat leerlinge ingesamel het. Verlede jaar het ons 'n Lochnerhof-boom gebou wat aan ons 'n prys besorg het vir een van die beste Blikkiesdagprojekte. Hierdie jaar mik ons na nuwe hoogtes!

Moedig u kinders aan om alle blikkies wat hulle versamel in 'n sak te sit en wanneer dit vol is skool toe te bring waar dit geberg sal word vir die groot dag. Daar is nog net 'n paar dae oor!




## **SPORT**

Ons wil graag alle deelnemers wat hierdie kwartaal aan verskillende sportsoorte deelgeneem het, bedank vir julle bereidwilligheid. Baie geluk aan diegene wat die hoogste sport bereik het - ons is trots op julle! Baie dankie ook aan elke onderwyser en ouer wat bereid was om bystand te verleen gedurende die kwartaal - ons het opregte waardering daarvoor.



## McDONALDS-FONDSINSAMELING

**Donderdag, 20 September** versoek ons dat alle Lochies en hul gesinne ietsie kom eet by **McDONALDS, STRAND** (langs OK). Die aand begin reeds om 18:00 - 20:00 en 'n persentasie van die verkope sal aan Lochnerhof geskenk word. Ons onderwysers sal die etes bedien - iets om nie mis te loop nie! Ons hoop om u almal daar te sien en lekker saam te kuier.



Baie dankie vir elke ouer en Lochie-boekwurms se ondersteuning met die LAPA-boekverkoping. Daar is R29 000-00 se boeke verkoop!



*Waar daar 'n rokie trek, is dit Braai4Heritage-dag*

Braai4Heritage-dag op 24 September is 'n feesviering van ons land, kultuur, diversiteit en tradisies. Maar moenie vergeet dat dit ook Erfenisdag is nie!

**22 SEPTEMBER - WÊRELDRENOSTERDAG**



**Afrikaanse week**



*Gedigte-gesigte*

